



FAN, TA'LIM VA AMALIYOT INTEGRATSIYASI

ISSN: 2181-1776

Турабоева Ситора Зокир қизи

Тошкент тиббиёт Академияси “Ўзбек ва хорижий тиллар” кафедраси
ўқитувчиси

ЎЗБЕК ТИЛИДА “ДЎСТ” ВА “БЕГОНА” КОНЦЕПТИНИНГ ЛЕКСИК-СЕМАНТИК ХУСУСИЯТЛАРИ

Аннотация

Муайян бир сўзнинг лексик-семантик хусусиятларини аниқлаш учун олинган тил бирлигининг лугавий маъноларини таҳлил қилиш сўз семантикасига қаратилган тадқиқот усули ҳисобланади ва концептга боғлиқ тил бирликларининг ҳам ушбу хусусиятларини аниқлашни ўз ичига олади.

Калит сўзлар: дўст, бегона, концепт, бинар оппозицияси, семантик таҳлил, лексикографик изоҳ, концептосфера, фрейм.

Бинар оппозицияларнинг ўзига хос хусусиятларини таҳлил қилиш уларни ўзида акс эттирувчи бутун тил корпусига мурожаат қилишни талаб қиласди¹. Шунинг учун ҳам дўст концепти ва унинг дискурсив қарама-қаршиси бўлган **бегона** концептларини ва ушбу концептосферадаги вербаллашган тил бирликлари ўртасидаги фарқли хусусиятларни таҳлил қилиш ушбу тадқиқот ишимизнинг муҳим вазифаларидан бири саналади.

Концептнинг кенг кўламли ва кўп сатҳли эканлигини ҳисобга оладиган бўлсак, С.Х. Ляпин, Ю.С.Степанов и В.И. Карасик таъкидига кўра, тадқиқотнинг объектидан келиб чиқиб, муайян концептнинг устувор яруси белгиланиши мумкин, яни қайсиdir тадқиқот учун масаланинг психологик ёки психолингвистик сатҳи устувор

¹ Пименова М. В. К вопросу о методике концептуальных исследований (на примере концепта звезда) //Проблемы концептуализации действительности и моделирования языковой картины мира: сб. науч. Трудов – М.:Архангельск, 2009. – №. 4. – С. 140-153.



бўлса, бошқаси учун этимологик, этнографик, яна бирлари учун эса, маданий, лингвокультурологик аспектлари дикъат марказида бўлиши мумкин².

“Дўст” ва унинг контекстуал антиконцепти “бегона” нинг ҳозирги замон ўзбек тили лексикографик изоҳларига тўхтадиган бўлсак, «Ўзбек тилининг изоҳли лугати»да қўйидаги таъриф келтирилади:

ДЎСТ - шафқатли ўртоқ, ёр, ошно, маҳбуб(а)] **1** Қарашлари, дили, иш фаолияти яқин бўлган, иноклик, ахиллик билан боғланган икки ёки ундан ортиқ кишининг ҳар бири; ўртоқ. зид. душман. *Қадрдон дўст. Чин дўст. Қиёматли дўст. Вафодор дўст.* Ўз дўстим деб суп айтма, дўстингнинг ҳам дўсти бор.

2 Яқин, таниш, ошно. *Мана бу дўстим билан мен дарёдан ўтолмай қолдик.* Шу яқиндаги қишилоққа нон сўраб бордик. И. Раҳим, Чин муҳаббат.

Дўстингдан топ Дўсти, яқин кишиси бирор ёмонлик қилганда айтиладиган ибора. **Дўсти содик** Вафодор, садоқатли дўст. Дунёда дўсти содикни топши қийин экан. А. Қодирий, Мехробдан чаён. **Жон** (ёки жонажон) дўст Жонини ҳам аямайдиган, самимий, беғараз дўст. *Пойлаб-пойлаб, хўб томоша қилсанг-чи, Тўй-томуша қуллуқ бўлсин, жон дўстим.* «Юсуф ва Аҳмад». Аввал айтганим-дек, академик Ҳабиб Муҳамедович Абдуляев билан [Абдулла Қаҳҳор] жон дўст эдилар. К. Кдҳхорова, Чорак аср ҳамнафас. **Иш** (ёки меҳнат) дўсти Бирга ишлаб, меҳнат жараёнида орттирилган дўст. *Иш дўстинг — жон дўстинг.* Мақол. **а** Кўриб қўй, деб сўзни бошлайман, меҳнат дўстим — асал ёримга. Ғайратий. **Мол дўсти** Олди-берди муносабатларида орттирилган дўст, бирор нарсадан илинжи бўлгани учунгина ошно бўлган, юзаки дўст. **Жон дўстинг жошдан кечса ҳам, мол дўстингмолидан кечмайди.** Мақол. **Пирига ҳам дўст бўлмайди** Ҳеч кимсага дўст бўлмайдиган ёмон одам ҳақида. Эрининг юз-хотирини қилмайдиган хотин пирига ҳам дўст бўлмайди. А. Қаҳҳор, Кўшчинор чирокдари.

3 Мурожаат қилиш шакли. *Хўши, тақсир, нега хомуши siz? -Э, азиз дўстим, сал қийналироқ қолдим.* Н. Сафаров, Ҳаёт мактаби.

4 Диний тасаввуфда: Аллоҳо, эй худо. *Ҳар замон яқин-йироқдан гадой товуши эши-тилади:* "Ҳей дўст, шайдулло, баноми олло, садақа радди бало, бақавли расули худо ". А. Қаҳҳор, Бемор.

Дўст тортмоқ 1) "дўст!" деб худога ёлвормоқ. Уўз одатининг аксича дўст тортдида, юқорига қаради. С. Анорбоев, Оқсой; 2) кўчма қичқирмоқ, сайрамоқ. "Роҳат "ни эшишиб, Тантибойвачча "эзиб юбордингиз, жонидан!" деб қичқирди ва бангилар кабибир "дўст!"тортди. Ойбек, Танланган асарлар.

ДЎСТ (ў - чўзиқ)унд. с. Тасанно, офарин маъноларини билдиради. *Дўст, кам бўлманг!* Бөгларни қоплайди завқу шавқ, қарсак, Кек-саяар оғзида: "Дўст!", "Баракалло!". Уйғун, Тонг қўшифи.

Юқорида берилган дўст лексемаси биринчи маъносида концепт ҳисобланса, иккинчи маъносида ундов сўз функсиясини бажаради ва бу дўст лексик бирлигининг омонимлик муносабатини намоён қилишини англатади. Келтирилган изоҳда берилган қарашлари, дили, иш фаолияти яқин бўлган, иноклик, ахиллик билан боғланган икки

² Красавский Н.А. Концепт “Zorn” в пословично-поговорочном фонде немецкого языка. // Теоретическая и прикладная лингвистика. Выпуск 2. Язык и социальная среда. – Воронеж. Изд-во ВГТУ, 2000. – С.78 89//eidos.rsl.ru



ёки ундан ортиқ кишининг таърифи дўст концептига алоқадор барча концепт ва тушунчалар орасидаги боғлиқликни таъминласа-да, дўст концепти дискурсда воқеалананиши жиҳатидан бир қанча ёндош семантик-лексик хусусиятларни намоён этади. Ушбу концептнинг баъзи маънолари эса назарда тутилган нутқ парчасини прагматик, сотсиолингвистик таҳлил этишни талаб этади. Юқорида берилганидек, дўст лексемасининг биринчи семантик маъноси нутқдан ташқарида олинганда, унга тенг оппозитсия муносабатига киришувчи сифатида душман антиконцепти танланади. Бу эса “бегона” концептининг асосан дискурс ичida дўст концепти билан оппозитсия муносабатига киришишини қўрсатади. Бунда юзага келган контекстуал оппозитсион парадигматик муносабатнинг ўзига хос хусусиятлари ҳақида кейинги фаслларимизда батафсил тўхталамиз.

“Бегона” концепти туб сўз ҳисобланиб, дўст концепти ифодалаган тушунчалар билан оппозитив муносабатни ифодалайди. Бегона концепти ҳам биринчи семантик маъносига таниш, таниш-билиш лексемалари билан семантик оппозитсия муносабатини намоён қиласди. Хусусан:

БЕГОНА I \ф.— кариндош ёки таниш бўлмаган; ёт] 1 Қариндошлик ёки бошқа жиҳатдан бир тоифадаги, гурухдаги кишилардан четда турувчи, уларга муносабати бўлмаган; ёт. *Менга бегона бўлсангиз, ўзингизга бегона эмассиз-ку.* А. Қаҳҳор, Кўшчинор чироқлари. **Бегона қилмоқ** 1) ўзидан узоқлаштирмоқ, ёт кишилар қаторига ўтказмоқ; 2) кўчма четга кеткизмоқ. бирорнинг қўлига, ихтиёрига ўтказиб юбормоқ. *Агар бундан кейин ҳам насияга гўшт олмоқчи бўлсалар, савдони бегона қилмай, менинг олдимга келаверсинлар.* «Латифалар». *Ақлни бегона қилманг!* Агар чора кўриши лозим бўлиб қолса, мен бу ерда. Н. Сафаров. Соҳиб чанглар.

2 Тегишли бўлмаган, четдан келган; чет. *Тунлари ҳар ҳовли эшигига ўша ерда яшовчилардан навбатчилар тайинланади* — бегона кирмасин. Шухрат, Шинелли йиллар.

3 Ўзгаларга тегишли, нотаниш; ўзга. *Бегона шаҳар. Мана энди, бегона кўз, бегона қулоқнинг йўзида учови хохолашиб, оғиз-бурун ўшишибелаётир.* М. Исмоилий, Фарғонат.о.

4 кўчма Хабари бўлмаган, кўрмаган, билмаган; ёт. *Ҳаётнинг дағал муомаласидан бегона, фақат унинг чучук сўзларинигина тинглаб келган Отабекка бу хўрлик турмушдан биринчи зарба эди.*

Бегона ўт Одамлар ёқмайдиган, аммо маданий экинлар орасида тасодифий уруғдан кўкариб чиққан ёввойи ўт. *Ердан яхши унум олиш учун ернинг бегона ўтлардан тозаланиши, кузда чуқур чопилиши, гўнг солиниши каби масалаларга кўп аҳамият бериб қолади.* А. Қодирий, Обид кетмон.

БЕГОНА II Бекларга, беклар наслига хос бўлган, дабдабали, ҳашаматли; бекларча.

Кўриб турганимиздек бегона лексемаси ҳам шаклдошлик хусусиятига эга саналади ва иккинчи маънодаги семантик ядрода бекларга алоқадорлик маъноси ифодаланади. Юқорида берилган бегона концептининг биринчи семантик маъноси орасида мазмуний боғлиқлик қузатилса-да, ҳар бири ўзаро ички семаларга эга саналади. Бегона концептининг биринчи изоҳидаги қариндошлик ёки бошқа жиҳатдан бир тоифадаги, гурухдаги кишилардан четда турувчи, уларга муносабати бўлмаган деган изоҳ генетик ёки бошқа жиҳатларига кўра ўзаро яқин муносабатда бўлган инсонлар



орасига бевосита алоқадор бўлмаган шахсни ифодаласа, иккинчи изоҳда *тегишили бўлмаган*, четдан келган деган маънода бегоналик даражаси бир поғона юқорига кўтарилади. Ўзгаларга *тегишили, нотаниш*; ўзга маъноси эса юқоридаги ҳар иккала таърифдан юқорига кўтарилади ва маънолар орасида ҳам ички оппозитсия муносабатини акс этишини ифодалайди.

От шакллари: жуфт сўз шаклида

ДЎСТ-ДУШМАН, Дўст(лар) ва душман(лар). *Хунарли эр хор бўлмас, Дўст-душманга зор бўлмас.* Мақол. *иши Сен дўст - душманни ажратиб муомала қилгин.* П. Турсун, Ўқитувчи. Ушбу жуфт сўз шаклдаги лексик бирикма гарчи зид маъноли лексемалардан ташкил топган бўлса-да, умумий маънода барча инсонлар, ҳамма атрофдаги одамлар деган маънони қўрсатиш учун хизмат қиласди. *Дўст-ёр, ошна-огайни* лексик бирликлари эса градонимя муносабатига эга бирикмалардан ташкил топади ва *дўст-душман* лексемаси билан вариантдош ҳисобланади.

ДЎСТ-ЁР Дўст(лар) ва ёр(лар), ҳамдам(лар). *Дўст-ёrlар аҳил бўлса, чўлда олтин ундирап.* «Муштум». *Дўст-ёrlар итигалиб, чағир ичиб, мусиқа ва рақслар билан тонг оттирадилар.* Ойбек, Навоий.

ОШНА-ОГАЙНИ Яқин таниш-билишлар, дўст-биродар, кадрдонлар. *Ошна-огайниларнинг ҳашари билан дангиллама қилиб бир уй, бир айвон солиб олдим.* Ф. Фулом, Тирилган мурда.

ОШНА-ОГАЙНИГАРЧИЛИК 1 Ошна оғайнилар, дўстлар ўртасидаги муносабатлар, борди-келди алоқалари. *Бизнинг Набигул одам эмас ўзи!* Ёшида, ҳали ошна-огайнигарчиликни билмайди. А. Қаҳхор, Қанотсиз читтак.2 Ошна-оғайнилар манфаатини кўзлаб, ишга зарар келтириш, ошна-оғайнилар манфаатини хизмат манфаатидан юқори қўйиш. *Иша ошна-огайнигарчлик бўлмайди.*

ОШНА-ОГАЙНИЛИК айн. *ошна-огайнигарчилик.* Ҳой, Эргаш полвон, дунёда ошна-огайнилик бор экан, тўғриланмайдиган иш бўлмайди. Шукрулло, Сайлланма.

ТАНИШ-БИЛИШ Бир-бирини танийдиган ва маълум жиҳатдан алоқа-муносабати бор шахс(лар). Сумка, тўрхалта кўтар-ган одамлар уй-уйига шошилишар, таниш-билишларини кўриб, байрам билан кутлашар эди. Ў. Ҳошимов, Қалбингга қулоқ сол.

Таниш-билиш, ошна-оғайничилик, ошна-огайнилик лексик бирикмалари дўст концептосферасига тегишли фрейм ҳосил қиласа-да, контекстда ёки дискурс таркибида олингандан семантик маъно ўзгаришларига учрайди. Ушбу тил бирликлари семантик жиҳатдан дўст ва бегона концептлари ўртасидаги оппозитсия муносабатида маъно кўпригини ҳосил қилувчи бирликлар сифатида қабул қилиш мумкин.

Умумлашма от кўринишида:

ДЎСТЛИК Дўст мақомида бўлишлик; яқинлик, ошнолик; аҳиллик; меҳрибонлик. Дўстлик синовда чиниқар. Мақол. *Халқ дўстлиги — юрт бойлиги.* Мақол.

ЎРТОҚЧИЛИК айн. *ўртоқлик.* [Суннат:] *Ахир дунёда ўртоқчилик, таниш-билишлик ҳам бор.* Сенингча, ёлгиз муҳаббат бор-у, бошқаҳеч нарса йўқ. Шуҳрат, Шинелли йиллар.

БИРОДАРЛИК 1 Ака-укалиқ, оға-инилик.



2 Ака-укалардек, оға-инилардек дўстона муносабат; иноклик, дўстлик. *Биродарлик* — баробарлик. Мақол. *мм* Дўстлик, қардошлиқ, биродарлик биз етиб келган порлоқ манзил-лар, юксак довонларнинг тамал тошии бўлиб қолади. Х. Ёдгоров, Ҳаёт тўлқинлари.

ОШНАЧИЛИК айн. *ошна-оғайнигар-чилик* **1.** Мен бирор билан ошначилик қилсанам, ҳатто ундан жонимни ҳам аямай, кўнглини олмоққа тиришишаман. А. Қодирий, Ўтган кунлар.

БИРОДАРКУШЛИК [биродар + ф.— ўлдирувчи] Ака-укаларнинг, ўзаро яқин, қариндош кишиларнинг бир-бирини қири-ши; улар ўртасидаги ўзаро қирғинбарот. Сизнингча, бу биродаркушликнинг илдизлари қаерда, уларни қандай цилиб ўйқотиш мум-кин? «Ёшлик».

ТАНИШЛИК 1 Таниш бўлиш, таниш эканлик. *Иш билан танишилиги унга қўл келди.* **иши** Йигиталини ҳаммамиз яхши таний-миз.. Аммо ҳозир бу танишиликнинг сира аҳамияти йўқ. С. Кароматов, Бир томчи қон. **2** Ўзаро таниш-билиш ҳолати, таниш-билишлик муносабати. Менга қолса, бу урн-да ҳеч бир қўрқадиган гап йўқ, уста билан танишилиги бўлса, унинг уйига меҳмон бўл-гандир. А. Қодирий, Ўтган кунлар.

ТАНИШСИЗЛИК 1 кам қўлл. Таниш эмаслик, нотанишлик. *Иш билан танишилизик.* **2** Танишлари йўқлик. Шаҳрингизга би-ринчи марта келишим бўлгани учун, танишсизлик, ёлгизлик мени жуда зериктир-ган эди. А. Қодирий, Ўтган кунлар.

БЕГОНАЛИК 1 Бегона кишининг ҳолатига тушишлик. У [Элмурод] кун сайин акаука, ёр-оғайнига айланиб бораётган кишилар орасида ўзининг бегоналигини унута борди. П. Турсун, Ўқитувчи. **2** Ёт, чет кишиларга хос бўлган муносабат. [Гулсумбоби:] Бегона ҳар вақт бегоналигини қиласди. Қизим баҳтли бўладими, ўтда ёнадими, Мирзакаримбойга бари бир. Ойбек, Танланган асарлар.

Ўзбек тили морфем-структур системасида кўпинча ҳолат ёки фаолият-жараён отларини аффиксатсия усулида ҳосил қилувчи -лик саффикси марказида дўст ва бегона концептлари турувчи лексик бирликлар ясаш учун хизмат қиласди. Бу бирликлар бир-биридан семантик градонимя муносабатига кўра фарқланади. Дўст лексик бирлиги ўз ўрнида гендер хосланганлик хусусиятини ҳам намоён этади ва асосан аёллар ўртасидаги дўстлик муносабатлари дегона лексемаси орқали ифодаланади. Изоҳига қараймиз:

ДУГОНА \ф.— иккита, жуфт] **1** Ўртоқ, дўст (хотин-қизлар ҳақида). Салом, менинг азиз дугоналарим, Азизим, лобарим, чеварим, қизлар. Зулфия. **2** Шерик, жуфт. Кўксув билан Оқсув икки дугона, дилбар, Икки ёқдан тоғ бағридан ўйноқлаб келар. Шайхзода.

Дўст ва бегона концептларининг лексик-семантик хусусиятларини таҳлил қилганимизда ушбу тил бирликлари ўзига хос услубий ва худудий хосланган инвариантларига ҳам эга эканлигини кўрамиз. Жумладан, ўртоқ лексемаси асосан Тошкент шаҳар шевасида фаол ишлатилса, ағёр лексемаси бегона концептининг бадиий услугга хос бўлган варианти саналади. Қуйида уларнинг изоҳига диккат қаратамиз ва этносотсиопрагматик ўзига хослиги ҳақида кейинги фаслларимизда батафсил тўхталамиз.

ЎРТОҚ 1 Ёши тенг ёки яқин бўлиб, ўзаро яхши алоқада бўлган тенгдошлар (бир-бирига нисбатан); бирга ўсган; тенгдош, дўст, ошна. *Укамнинг ўртоги. Қалин ўртоқ.* **2** Дунёқараши, фаолияти, яшаш шароити ва ш.к. жиҳатидан бир, ғоявий жиҳатдан



яқин киши; ҳамфикар, ҳамғоя. Эски ўртоқларингдан айрилгансан, янги ўртоқ орттиrolма-динг. А. Қаххор, Кўшчинор чироқлари. **3.** Кишиларга мурожаатда, одатда уларнинг фамилияси, касби, унвони ва ш. к. билдирувчи сўзга қўшиб ишлатилади. Ўртоқ директор. **4** с. т. айн. турмуш ўртоғи; эр ёки хотин, рафиқ ёки рафиқа. Эркаклар ҳам рўзгор ишини яхши билиши, ўртогига яқиндан ёр-дам берииши керак. Газетадан.

ОШНА [ф. - таниш, маълум, дўст киши; бир нарсани билувчи] **1** Таниш, та-нишибилиш. Бир кўрган ошна, Икки кўрган қариндоши. Мақол. **2** Ўртоқ, дўст. Пул ошнаси ошна бўлмас, пўкақдан пошна бўлмас. Мақол. **мм** **3** Ўз тенгқурларига нисбатан мурожаат шакли. **4** Илгаридан маълум, таниш. Ўши тоғла-ри, қўрқинч жарлари, жилгалари, адирлари — барчаси бизга кўпдан ошна. **5** Хабардор; биладиган. Анвар.. яхшигина форсихон ва бир дараҷса араб тилига ошна эди.

СИНАШТА **1** Яхши синалган, текши-рилган, таниш, қадрдон, яқин. Қоровул синашта эди, итоаткорона боши эгди: -Тушун-дим, хўжайиши. С. Сиёев, Отлиқ аёл. **2** Бошидан кечирилган, синаб, тотиб кў-рилган; тажрибадан ўтказилган. Бу дард айниқса Отабекка уч ийлдан бери синашта. А. Қодирий, Ўтган кунлар.

АФЁР [а. жУил — бегоналар; рақиблар] эск. кт. **1** Ўзгалар, бегоналар. Агёrlарга лутф ила эҳсон қачонгача? Муқими. **2** Рақиб; рақиблар. Билмам, на гуноҳим бор, олмайди хабар бир йўл? Ёрашк ила агёrim бегона қилиб кетди. Ҳамза.

НОТАНИШ Танишлиги йўқ, аввал та-ниш-билиш, ошна бўлмаган, қўрилмаган; ёт, бегона. Нотаниши одамлар орасига кела-ётганидан хижсолат чекибми, унинг юзлари, кенг пешонасини майдада тер босган эди. П. Турсун, Ўқитувчи.

БИРОДАР - ака, ука] **1** Ака ёки ука; оға ёки ини. Бойсунқур мирзо ўз қобилияти, ўтқир зеҳни, ишибилармонлиги билан биродарларидан ажralиб туради. Мирмуҳсин, Меъмор. **2** Фаолияти, қарашлари, муносабатига кўра ўзаро яқин шахс; ҳамдам, дўст. Тангри биродарларига қовогини солиб қаровчи ки-шиларни ёқтирмайди. «Ҳадис». **3** Ўртоқ, оғайни (мурожаатда). Сизқутлуғ кунларда етиб келдингиз, азиз биродарлар! А. Мухтор, Дўстлигимиз барқ урсин. Биродар, Азизхон деган полvon болани қайдан топсан бўлади? С. Аҳмад, Уфқ. -Қаёққа, биродар?-деди шопмўйлов таксичи, машинанинг қия деразачасидан мўралаб. Ў. Ҳошимов, Қалбингга қулоқ сол. **Биродари азиз** Азиз дўстим, оғайним. Биродари азиз, сиз менинг бу сўзларимдан хафа бўла кўрмангиз.. А. Қодирий, Ўтган кунлар.

Сифат ва равиш шакллари: Дискурсда вазиятни баҳолаш ёки дўстлик ва бегоналик муносабатлари доирасида муайян ҳолатга нутқий баҳо бериш мақсадида ушбу тил бирликлари сифат ва равиш шаклларига ҳам эга саналади. Равиш маъносидаги семема таркибида кўпроқ иш – ҳаракатнинг тарзи, услуби ифодаланади. Изоҳларга қараймиз.

ДЎСТЛАРЧА рвиш. Дўстларга хос равиша; дўстона, дўстлар каби. Дўстларча муомала. Дўстларча кўшиши. Жўра дўстларча койиб-койиб, ҳужранинг беш тийинлик чақадай қулфини кўрсатди-да, йўқолди. Ойбек, Танланган асарлар.

БИРОДАРЛАРЧА айн. **биродарона.** Биродарларча ёрдам бермоқ. Биродарларча муносабат. Биродарларча гамхўрлик.

ДЎСТОНА \ф.— дўстларча] рвиш. Дўст каби, дўстларча, дўстлардек, дўстлик билан. Дўстона муомала. Дўстона салом. Дўстона сұхбат. м Шербекнинг елкасига қўлини дўстона ташлади-да, ўтири, дегандек ишора қилди. С. Анорбоев, Оқсой.



БИРОДАРОНА [ф. - акаларча, укаларча] рвши. Ака-укалардек, оға-инилар-дек; яқин, қадрдан кишилардек; дўстона. *Биродарона ёрдам кўрсатмоқ. Биродарона салом. Биродарона муносабатлар.*

ДЎСТПАРВАР [ф. - дўстни қадрловчи, севувчи] Дўстларини ва дўстлик-ни севувчи, қадрловчи, дўстларига меҳрибон, ғамхўр. *Ваъдага вафоли, ахлоқда мумтоз, Дўстпарвар, ўз сўзли, ёрига содик.* F. Ғулом.

АЖНАБИЙ [а. — бегона, чет киши] **1 сфт.** Чет эжа ёки"чет элликларга оид, хорижий. *Ажнабий давлатлар. Ажнабий тиллар.* **2 от** Чет эл фуқароси, чет мамлакат одами. *Республикамизга кўп ажнабийлар келади.*

Дўст ва бегона концептуал майдони бирликлари ичida аффиксация усулида (-она, -ларча, -парвар, но-,) қўшимчалари билан сифат ва равишлар, (-ла, -лаш, -сира,) қўшимчалари билан феъллар, (-лик, -чилик, -ши,) қўшимчалари билан от ясаш фаол ҳисобланади. Шунингдек лексемаларни жуфтлаштириш (*ошина-оғайни, таниши-билиши, дўст- душман*) кабилар орқали ҳам янги семантик маъно ифодалаш имконияти мавжуд саналади.

Ушбу сўз туркумларига тегишли энг кўп қўлланиладиган лексемалар сифатида «таниш-билиш/бегона», «дўст/дугона», «ошна/биродар», «дўстларча/бегоналарча» инвариантлари билан энг яқин маънодош бўлиб, ядро зонага тегишли, қолганлари эса периферик бирликлар ҳисобланади. Дўст ва бегона концептининг феъл шакллари: *дўстлашмоқ, бегоналашмоқ, бегонасирашмоқ, биродарлашмоқ, ўртоқлашмоқ, ошина бўлмоқ, дўст бўлмоқ, маҳбуб бўлмоқ* ва ҳ.к.. Уларнинг ўзбек тили изоҳли лугатидаги шакллари қуйидагича:

БИРОДАРЛАШМОҚ Ака-укалардек, оға-инилардек бўлиб кетмоқ; иноклашмоқ, дўстлашмоқ. *Биродарлашган шаҳарлар. мм Тошкент — биродарлашган шаҳарлар жаҳон федерациясиниг аъзосидир.* Газетадан.

БЕГОНАЛАШМОҚ Қариндошлардан, яқин кишилардан узокдашмоқ, ёт кишидек бўлиб қолмоқ. *[Кумуши] Кундан-кунга Зай-набнинг сусайиб, ўзига бегоналашиб борганини яхши англар эди. А. Қодирий, Ўтган кунлар. Саидий ҳануз Мунисхондан бегоналашиб кетгани йўқ. А. Қаҳҳор, Сароб.*

БЕГОНАСИРАМОҚ Ҳали ўрганиб ул-турмаган, нотаниш, ёт кишилар ўртасида ўзини бир қадар нокулай сезмоқ, ўзини ёт ҳис қилмоқ. *Бола Нормат полвонга бегонасираб қаради. «Ёшлик». Иккинчи она ва унинг болалари Очилга ёмон кўз билан қараашмаса ҳам, ҳар ҳолда, у бегонасираш, сал нарсани кўнгига олибўксир эди.* П. Қодиров, Уч илдиз.

ЎРТОҚЛАШМОҚ 1 Ўртоқ бўлмоқ, ўртоқлик муғосабатини тутмоқ. *Йўлчи улар билан содда ва очиқ кўнгил билан сўзлашиб, бирпастда апоқ-чапоқ ўртоқлашиб қолди.* Ойбек, Танланган асарлар. **2** кўчма Хурсандчилик, қайғу-ҳасрат ва ш. к. га шерик қилмоқ. *Хадичахон Ахророва ҳам қурултой минбаридан туриб нутқ сўз-лади. Вакиллар билан ўз тажрибасини ўртоқлашиди.* Н. Сафаров, Хадича Ахророва.

Дўст ва бегона концептосферасида фреймлар ҳосил қилувчи тил бирликларининг қайси биридан қачон қандай вазиятда фойдаланиш адресат ва адресантнинг мулоқотдан кўзлаган мақсадидан келиб чиқади. Коммуникатив интенция шуни талаб қиласиди, муаллиф томонидан коммуникатив жиҳатдан энг аҳамиятли ҳисобланган



лексема биринчи тилга олинади, кўпинча градация стилистик воситаси жумланинг яна ҳам услубий бўёқдор чиқишига кўмак беради.

Мазкур вербализаторлар орасида нафақат ўз қатлам, балки ўзлаштирма сўзларга оид намуналар сафи ҳам кенг бўлиб, бу мазкур концепт инглиз лингвомаданияти учун даврлар оша нақадар актуаллиги ортиб борганидан далолат беради. Зоро, юқорида таъкидлаб ўтилганидек, концептуал майдон кенглиги, тегишли концептнинг ўша этнос учун аҳамияти даражасини ҳам белгилай олади.

ФОЙДАЛАНИЛГАН АДАБИЁТЛАР РЎЙХАТИ

1. Матвеев П.Е. Моральные ценности: моногр. – Владимир: Владим. гос. ун-т, 2004. – 190 с.
2. Моральные ценности и личность / под. ред. А.И. Титаренко, Б.О. Николаичева. – М.: Изд-во МГУ, 1994. – 175 с.
3. Кондрашов В.А. Человек в мире моральных ценностей // http://samlib.ru/k/kondrashow_w_a/file1.shtml
4. Тематический философский словарь / Н.А. Некрасова, С.И. Некрасов, О. Г. Садикова. – М.: МГУ ПС (МИИТ), 2008. – http://thematic_philosophical.academic.ru/
5. O‘zbek tilining izohli lug‘ati. 1-jild. 144-bet. “O‘ME” Davlat ilmiy nashryoti.
6. Macmillan English dictionary. https://www.macmillandictionary.com/dictionary/british/moral_2#:~:text=plural%20principles%20of%20right%20or,generally%20accepted%20by%20a%20society.